

18. *Tablettaa Salcotheobromini barbituricae.* (*Tablettaa Salcotheobromini cum phenemalo*). 168
 Verkandi efni: Acidum phenylaethylbarbituricum 2 cg. Theobromino calcii salicylas 50 cg. í 1 tölu. 11. okt.
19. *Tablettaa Salcotheobromini cum rhodano.*
 Verkandi efni: Theobromino calcii salicylas 50 cg. Kalii thyocyanas 10 cg. í tölu.

Nákvæm fyrirsögn um innihald og gerð ofangreindra lyfja er í forskriftasafni Lyfsalafélags Íslands, „Disp. Isl.“ 1938.

Í heilbrigðismálaráðuneytinu, 11. október 1940.

Stefán Jóh. Stefánsson.

Gústav A. Jónasson.

REGLUGERÐ

169

14. okt.

um skemmtanaskatt í Suðurfjarðahreppi í Bíldudal í Barðastrandarsýslu.

1. gr.

Samkvæmt lögum nr. 34 frá 22. nóv. 1918, sbr. lög nr. 30 19. júní 1922 og lög nr. 61 11. júní 1938, skal greiða skatt af skemmtunum fyrir almenning, öðrum en héraðsmótum ungmennafélaga, sem haldnar eru í Suðurfjarðahreppi og aðganga er seld að.

2. gr.

Þessar skemmtanir teljast skattskyldar og flokkast þannig:

1. flokkur. a. Hljómleikir og söngskemmtanir.
 b. Sjónleikir.
 c. Fyrirlestrar og upplestrar.
 d. Kappleikir og íþróttasýningar, sem aðrir en áhugamenn taka þátt í.
 e. Kvikmynda- og skuggamyndasýningar.
2. flokkur. a. Dansleikir.
 b. Danssýningar.
 c. Loddara- og fjölleikasýningar.
 d. Aðrar almennar skemmtanir, sem aðganga er seld að og ekki eru taldar sérstaklega.

3. gr.

Af skemmtunum þeim, sem undir fyrsta flokk heyra, skal greiða 10% af aðgöngueyri og af þeim, sem taldar eru í öðrum flokki 25%.

Ef skemmtun er margþætt, skal miða skattinn við þann þátt hennar, sem hæst er skattaður.

4. gr.

Undantekningar frá skattgreiðslu getur hreppsnefnd veitt, ef sérstakar ástæður eru fyrir hendi, t. d. fyrir skemmtanir, sem haldnar eru í góðgerðarskyni eða fræðslu, til að halda uppi listum eða til styrktar þörfum félagsskap sveitarinnar o. s. frv.

5. gr.

Hreppsnefnd Suðurfjarðahrepps hefir eftirlit með að reglugerð þessari sé hlýtt, sér um innheimtu skattsins og hefir eftirlit með skemmtunum, ef þurfa þykir.

169 Getur hún ráðið til þess sérstakan mann fyrir sína hönd, og nefnist hann þá eftir-
14. okt. litsmaður skemmtana.

6. gr.

Hver sá, sem halda vill skemmtun sem aðganga er seld að, skal tilkynna hreppsnefndaroddvita eða eftirlitsmanni skemmtana, hvar og hvenær skemmtunin skal haldin. Afhendir þá hreppsnefnd stimplaða aðgöngumiða, svo marga, er ætla megi að nægi. Gerð miðanna ákveður hreppsnefnd og kostnaður við þá greiðist af skatttekjum.

Þegar samkomu er lokið, skal sá er fyrir henni stóð, afhenda oddvita eða eftirlitsmanni alla ónotaða aðgöngumiða, og greiða um leið skatt samkvæmt 3. gr. af öllum þeim miðum, er notaðir hafa verið.

7. gr.

Forstöðumaður skemmtunar ber ábyrgð á greiðslu skattgjaldsins. Ef fleiri en einn maður standa fyrir skemmtun, ábyrgist einn fyrir alla og allir fyrir einn, eða ef um félag er að ræða, þá allir stjórnendur þess á sama hátt.

8. gr.

Skatttekjur samkvæmt reglugerð þessari renna í sveitarsjóð, en hreppsnefnd skal þó halda fé þessu í sérstökum sjóði, sem skal vera undir stjórn hreppsnefndar og skulu reikningar sjóðsins fylgja sveitarsjóðsreikningi og endurskoðast og úrskurðast með honum. Fé sjóðsins skal varið til styrktar samkomuhúsbyggingu á Bíldudal í Suðurfjarðahreppi.

9. gr.

Brot gegn reglugerð þessari varða sektum, allt að 1000 krónum. Sé brotinu þannig háttað, að dreginn hafi verið undan skemmtanaskattur, skal sektin ákveðin sem svarar minnst fjórföldum skatti, sem undan var dreginn, þó aldrei yfir 1000 kr. Mál, sem rísa út af brotum á reglugerð þessari, skal fara með sem almenn lögreglumál.

Reglugerð þessi öðlast þegar gildi og birtist til eftirbreytni öllum þeim, sem hlut eiga að máli.

Í dómsmálaráðuneytinu, 14. október 1940.

Hermann Jónasson.

Gústav A. Jónasson.